
CYD-BWYLLGOR GWE DYDD MERCHER, 20 CHWEFROR 2019

Yn bresennol:

Y Cyngorwyr: Gareth Thomas - Cadeirydd (Cyngor Gwynedd), Phil Wynn - Is Gadeirydd (Cyngor Bwrdeistrefol Siriol Wrecsam), Ian Roberts (Cyngor Sir y Fflint), a Meirion Jones (Cyngor Sir Ynys Môn).

Swyddogion heb bleidlais: Karen Evans (Cyngor Sir Ddinbych), Ian Roberts (Cyngor Bwrdeistrefol Sir Wrecsam), Garem Jackson (Cyngor Gwynedd), Dafydd Ifans (Cyngor Bwrdeistrefol Conwy)

Swyddogion yn bresennol: Arwyn Thomas (Rheolwr Gyfarwyddwr GwE) Sion Huws (Awdurdod Lletyol - Cyngor Gwynedd), Dafydd Edwards (Pennaeth Cyllid Awdurdod Lletyol – Cyngor Gwynedd), Dr Gwynne Jones (Cyngor Sir Ynys Môn), Susan Owen Jones (Rheolwr Busnes a Chyllid GwE), Rhys Howard Hughes (Cyfarwyddwr Cynorthwyol GwE), Alwyn Jones (Cyfarwyddwr Cynorthwyol GwE), Bethan Roberts (GwE), Sion Wyn Evans (GwE), Annes Sion (Swyddog Cefnogi Aelodau yr Awdurdod Lletyol – Cyngor Gwynedd)

1. YMDDIHEURIADAU

Derbyniwyd ymddiheuriadau gan Cyng. Garffild Lewis (Cyngor Bwrdeistrefol Conwy), Cyng. Huw Hilditch-Roberts (Cyngor Sir Ddinbych), Alison Fisher (Cynrychiolydd Llywodraethwyr), Arwyn Williams (Cyngor Sir Ynys Môn), Claire Homard (Cyngor Sir y Fflint), Iwan Evans (Swyddog Monitro Awdurdod Lletyol – Cyngor Gwynedd) a Steve Vincent (Llywodraeth Cymru).

2. DATGAN BUDDIANT PERSONOL

Ni dderbyniwyd unrhyw ddatganiad o fuddiant personol gan unrhyw aelod oedd yn bresennol.

3. MATERION BRYD

Nid oedd unrhyw faterion bryd.

4. COFNODION Y CYFARFOD BLAENOROL - 28 TACHWEDD 2018

Llofnododd y Cadeirydd gofnodion o'r pwyllgor hwn a gynhaliwyd ar y 28 Tachwedd 2018, fel rhai cywir.

5. CYLLIDEB GWE 2018-19 - ADOLYGU CHWARTER 3

PENDERFYNIAD

Derbyn yr Adroddiad.

TRAFODAETH

Cyflwynwyd yr adroddiad gan nodi fod GwE yn cadw o fewn y cyllid craidd am 2018-19, a bod yr amcangyfrif yn nodi tanwariant net o £994.

Sylwadau yn codi o'r drafodaeth:

- Cafwyd trafodaeth ar amllder arolygiadau Estyn yn benodol mewn rhai ysgolion uwchradd.
- Nodwyd fod llawer o'r arian sydd yn dod i GwE yn cael ei ddatganoli'n uniongyrchol i'r ysgolion.
- Tynnwyd sylw at gynnydd mewn costau teithio a mynegwyd fod hyn oherwydd fod cymaint o gyfarfodydd yn cael eu cynnal yng Nghaerdydd. Nodwyd fod angen codi'r mater â'r Llywodraeth, ac efallai cynnig fod y cyfarfodydd yn cael eu trefnu mewn lleoliadau eraill yn ogystal.

6. CYLLDIEB GWE 2019/20

PENDERFYNIAD

Mabwysiadau'r gyllideb sylfaenol ar gyfer 2019/20 fel y'i cyflwynir yn Atodiad 2 yr adroddiad.

TRAFODAETH

Cyflwynwyd yr adroddiad gan nodi fod cyllideb GwE yn parhau i ddatblygu. Nodwyd fod effaith ariannol chwyddiant/cynnydd mewn prisiau wedi'u hamcangyfrif a'u cynnwys yn y gyllideb sylfaenol, gan gynnwys codiadau cyflog a chynnydd CPI. Ychwanegwyd fod y gyllideb yn adlewyrchu penderfyniad Bwrdd Arweinyddiaeth Gogledd Cymru i gynnwys targed arbedion sy'n cyfateb i leihad o 1% yn nhermau arian, yng nghyfraniadau craidd y 6 awdurdod; mynegwyd yn nhermau real fod 3.19% o gynnydd mewn costau.

Ychwanegwyd gyda'r cynnydd mewn costau, yr angen am gynllun parhaol ar gyfer arbedion 2018/19 a gorwariant blynyddol yn y Cyflenwadau a Gwasanaethau y bydd angen darganfod cyfanswm cronus arbedion o £206,485 ar gyfer 2019/20.

Sylwadau'n codi o'r drafodaeth

- Holwyd os yw'r codiadau mewn cyflogau a phensiwn athrawon sydd ar secondiadau yn GwE wedi eu cynnwys yn y gyllideb. Nodwyd o ran yr athrawon sydd ar restrau cyflogaeth GwE, mae'r rhain wedi eu cynnwys.
- Nodwyd fod grantiau wedi lleihau yn ystod y blynyddoedd diwethaf, a bod trafodaethau dwys wedi eu cynnal, ac yn parhau am gyllidebau addysg.
- Diolchwyd i Dr Gwynne Jones a Dafydd Edwards am eu cefnogaeth.

7. CYNLLUN ARIANNOL TYMOR CANOLIG

PENDERFYNIAD

Derbyn yr adroddiad

TRAFODAETH

Cyflwynwyd yr adroddiad gan nodi nad oes llawer o newidiadau i'r Cynllun. Ychwanegwyd ei bod yn anodd rhagweld beth fydd yn digwydd yn y dyfodol gan fod llawer yn ddibynnol ar benderfyniadau'r Llywodraeth, sydd hefyd yn creu llawer o ansicrwydd. Nodwyd pwysigrwydd o edrych ar arbedion yn barod i'r dyfodol.

Sylwadau'n codi o'r drafodaeth

- Nodwyd ei bod yn anodd cyflwyno cynllun ariannol tymor canolig tair blynedd gan fod y gyllideb mor annelwig, ond pwysleisiwyd pwysigrwydd y cynllun.
- Mynegwyd yr angen am drafodaethau â Gweinidogion Llywodraeth Cymru i drafod os oes digon o gefnogaeth ar gael i ysgolion. Ychwanegwyd fod angen fwy o eglurdeb o rôl GwE pan fydd newidiadau yn y cwricwlwm. Nodwyd fod angen codi hyn gyda'r Gymdeithas Llywodraeth Leol Cymru.

8. CYNLLUN BUSNES 2018-19 - MONITRO CHWARTER 3

PENDERFYNIAD

Derbyn yr Adroddiad.

TRAFODAETH

Cyflwynwyd yr adroddiad gan nodi mai'r brif flaenoriaeth yw Cyfnod Allweddol 4, gan fod pryderon wedi codi am yr arholiadau Saesneg.

Tynnwyd sylw at adran 3 o'r Cynllun – Arweinyddiaeth – yn benodol gwella ansawdd arweinyddiaeth adrannol mewn pynciau craidd mewn ysgolion. Ychwanegwyd fod gwaith da yn cael ei wneud mewn partneriaeth â'r ysgolion.

Tynnwyd sylw yn ogystal at adran 4 o'r Cynllun – Lles – angen parhau i edrych ar gynlluniau i gefnogi plant mewn gofal a disgyblion sydd yn cael cinio am ddim.

9. CYNLLUN BUSNES LEFEL 1 - BLAENORIAETHAU 2019-20

PENDERFYNIAD

Derbyn yr adroddiad.

TRAFODAETH

Cyflwynwyd yr adroddiad gan nodi fod y prif flaenoriaethau gwella wedi eu hadnabod. Nodwyd y blaenoriaethau a oedd yn cynnwys gwella perfformiad yn y sector uwchradd, cwricwlwm trawsnewidiol, lles, rhaglenni datblygu arweinyddiaeth a'r model ymgysylltu a chymheiriaid. Cytunwyd i gyflwyno copi o'r Cynllun Busnes yn y cyfarfod nesaf.

10. COFRESTR RISG 2018-19 - ADOLYGU CHWARTER 3

Cyflwynwyd yr adroddiad gan nodi fod cofrestr risg GwE yn ddogfen fyw sydd yn cael ei hadolygu yn gyson. Mynegwyd fod yr holl risgiau wedi ei hadolygu a'u diweddarau a bod

9 o risgiau wedi ei diwygio, sef risg 2,5,6,8,12,13,14,15 ac 17.

11. Y GYMRAEG MEWN ADDYSG - CYLCH GORCHWYL

Penderfynwyd gohirio trafod yr eitem hon tan y cyfarfod nesaf.

12. CATEGOREIDDIO CENEDLAETHOL

PENDERFYNIAD

Derbyn yr Adroddiad

TRAFODAETH

Cyflwynwyd yr adroddiad gan nodi fod categorieiddio yn broses barhaus. Mynegwyd fod y Gweinidog dros addysg wedi nodi'r posibilrwydd y bydd y broses yn cael ei addasu.

Nodwyd fod pob ysgol uwchradd gyda chynllun cefnogaeth a bod trafodaethau wedi eu cynnal am lefel y gefnogaeth i ysgolion.

Mynegwyd fod yr adroddiad am y broses yn unig. Nodwyd fod 35 o ysgolion wedi eu dethol o'r chwe awdurdod ar gyfer y Cymedroli Rhanbarthol, a chafwyd trafodaeth gadarn yn ystod y cymedroli. Nodwyd nad oedd unrhyw newidiadau wedi eu gwneud i'r ysgolion yn ystod y broses a ni dderbyniwyd unrhyw ymholiadau gan Lywodraeth Cymru yn dilyn cyflwyno'r sampl iddynt.

13. CALENDR CYFARFODYDD 2019/20

Penderfynwyd derbyn y dyddiadau ar gyfer y flwyddyn sydd i ddod.

Dechreuodd y cyfarfod am 10.30 y.b. a daeth i ben am 12.25 y.h.

CADEIRYDD